

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida, ul. Širokac 22, Sarajevo, koga zastupa direktor Zijadić Suad, prof. ( u daljem tekstu: Ugovorni organ)

i  
Društvo za projektovanje i inženjering «HMD Architects» d.o.o., sa sjedištem u Sarajevu, ul. Kolodvorska broj 12, ID broj: 4201889870001, PDV broj: 201889870001, koga zastupa direktor Babović Nihad ( u daljem tekstu: Dobavljač)

Zajednički naziv za Ugovorni organ i Dobavljača je **UGOVORNE STRANE**.

zaključili su u Sarajevu, dana 29.08.2018.godine

## **U G O V O R** o izradi glavnog projekta

### **I PREDMET UGOVORA**

#### **Član 1.**

Ugovorni organ povjerava, a Dobavljač preuzima obavezu da izradi glavni projekat mezarja Dubrave i turbeta heroju Nesibu Malkiću, a sve prema Projektnom zadatku Ugovornog organa. Dobavljač potpisom ovog ugovora potvrđuje da je od Ugovornog organa zaprimio Projektni zadatak kojim se konkretiziraju osnovni zahtjevi Ugovornog organa u pogledu objekata ili radova, daju opći podaci i osnovni elementi radi pristupa izrade daljnjih poslova ili faza, te čiji je sadržaj sa stajališta arhitektonske djelatnosti i struke u dovoljnoj mjeri određen. Sastavni dio ovog ugovora čini Ponuda Dobavljača od 24.08.2018.godine.

#### **Član 2.**

Ugovorne strane su saglasne da će Dobavljač izraditi projekt u 3 (tri) primjerka u pisanoj formi i 1 (jedan) primjerak projekta u digitalnoj (elektronskoj) formi.

### **II VRIJEDNOST UGOVORA I NAČIN PLAĆANJA**

#### **Član 3.**

|   |             |
|---|-------------|
| Ugovorene strane su saglasne da netto vrijednost Ugovora iznosi | 4.860,00 KM |
| Vrijednost PDV 17% iznosi                                       | 826,20 KM   |

Ugovorne strane su saglasne da ukupna vrijednost ugovora sa uključenim PDV 17% iznosi

**5.686,20 KM**

**( slovima:pethiljadašeststotinaosamdesetšest i 20/100KM)**

#### **Član 4.**

Ugovorne strane su saglasne da će Ugovorni organ Dobavljaču uplatiti avans u iznosu od 30% od ugovorene cijene nakon obostranog potpisivanja ugovora, a nakon što Dobavljač predoči Ugovornom organu avansnu fakturu, te da će ostatak vrijednosti ugovora isplatiti Dobavljaču u roku od 15 (petnaest) kalendarskih dana, nakon izvršenja usluge iz člana 1. ovog ugovora i ispostavljanja uredno ovjerene fakture.

### III ROK IZVRŠENJA PREDMETA UGOVORA

#### Član 5.

Ugovorene strane su saglasne da je rok za izradu projekta 45 /četrdesetpet/ kalendarskih dana od dana obostranog potpisivanja ugovora i uplate avansa Dobavljaču.

Rokovi mogu biti produženi samo u slučaju više sile, objektivnih okolnosti koje su uticale na neispunjenja obaveze jedne od ugovornih strana prema drugoj ugovornoj strani i/ili na osnovu pismenog dogovora ugovornih strana. Pod višom silom podrazumijevaju se elementarne nepogode većih razmjera, kao i eventualni društveni poremećaji koji mogu uticati na realizaciju ovog ugovora, a objektivne okolnosti će ugovorne strane u svakom konkretnom slučaju definisati pismenim putem.

Ugovorne strane moraju pismeno obostrano konstatovati da su nastupili uvjeti koje smatraju višom silom ili objektivnim okolnostima, te se u tom slučaju rok produžava za onoliko dana koliko su trajali uvjeti više sile ili objektivnih okolnosti.

#### Član 6.

U slučaju kašnjenja u pružanju usluge, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorene vrijednosti usluge, koja je predmet ugovora. Dobavljač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

### IV OBAVEZE UGOVORNIH STRANA

#### Član 7.

Dobavljač se obavezuje: .....

- obaviti povjereni posao savjesno, stručno, u svemu sukladno pozitivnim propisima i pravilima struke;
- da povjereni posao obavi kvalifikovanom radnom snagom sa potrebnim iskustvom za ovu vrstu posla;
- da povjereni posao iz člana 1. izvrši u roku iz člana 5. ovog Ugovora;
- da projekat dostavi u 3 (tri) primjerka u pisanoj formi i 1 (jedan) primjerak projekta u digitalnoj (elektronskoj) formi.

#### Član 8.

Ugovorni organ se obavezuje:

- da će obezbjediti sredstva za realizaciju ovog ugovora iz člana 3. ovog ugovora i da će Dobavljaču platiti na način i pod uslovima kako je to utvrđeno u ovom Ugovoru.

### V OSTALE ODREDBE

#### Član 9.

Svaka od ugovornih strana je saglasna da naknadi štetu nastalu drugoj ugovornoj strani ili licima izvan ovog Ugovora, ukoliko do štete dođe njenom krivicom, odnosno činjenjem ili nečinjenjem i/ili propuštanjem rokova utvrđenih u ovom ugovoru. Visina naknade za

pričinjenu eventualnu štetu utvrdiće se po pravilima za naknadu štete važećeg Zakona o obligacionim odnosima.

#### Član 10.

Dobavljač se obavezuje da će za ugovorenu cijenu u predmet ugovora ugraditi sve eventualne sugestije i prijedloge Ugovornog organa koji nisu u suprotnosti sa strukom i propisima koji su korišteni za njegovu izradu.

#### Član 11.

Ukoliko dođe do problema tokom izvođenja radova, a uzrokovani su nedostacima u projektu, Dobavljač je dužan o svom trošku otkloniti nedostatke u projektu.

#### Član 12.

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

#### Član 13.

Ugovorne strane suglasne su da se za sve što ovim Ugovorom nije definirano primjenjuju odredbe Zakona o obligacionim odnosima.

#### Član 14.

Ugovorene strane su saglasne da eventualno nastale sporove rješavaju putem svojih ovlaštenih zastupnika sporazumno, a ukoliko nastali spor ne budu mogle riješiti na predviđeni način, isti će rješavati nadležan sud u Sarajevu.

#### Član 15.

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

#### Član 16.


Ugovorne strane u znak razumijevanja i prihvatanja odredbi ovog ugovora, vlastoručno ga potpisuju.

#### Član 17.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

ZA UGOVORNI ORGAN  
DIREKTOR


Zijad [redacted] ad. prof.



Broj: 13-14-02-384/18  
Sarajevo, 29.08.2018.god.

ZA DOBAVLJAČA  
DIREKTOR

Babović Nihad



Broj: 01-09-18  
Sarajevo, 03.09.2018.